

Msumbiji, Ureno zakutana

Uh. MAPUTO Msumbiji 19/11/87 P. 2

MSUMBIJI na Ureno zimeanza mazungumzo mjini Maputo yenye lengo la kufufua kituo cha mtambo wa umeme cha Cabora Bassa kilichoharibiwa na magaidi wa MNR miaka miwili iliyopita.

Serikali ya Msumbiji inataka mtambo huo uanze kufanya kazi kama kawaida na itafanya kila iwezalo kufanikisha azma hii chini ya mkataba uliotiwa saini na nchi tatu za Afrika Kusini, Ureno na Msumbiji tangu mwaka 1984. Waziri wa Viwanda na Nishati wa Msumbiji Antonio Branco alisema wakati wa ufunguzi wa mazungumzo hayo.

Waziri huyo aliuambia ujumbe wa Ureno unaogonzwa na Waziri wa Nchi anayeshughulikia Ushirikiano kwamba Serikali ya Msumbiji ina matumaini kuwa kufunguliwa upya kwa mtambo huo kutaleta hali ya usalama na msimamo nchini humo.

Mtambo huo ambao asilimia 80 unamilikiwa na Ureno ambayo ilikuwa inaitawala nchi hiyo, uliharibiwa na magaidi wa MNP mwaka 1985 na haujapeleka umeme Afrika Kusini kama ilivyokubaliwa chini ya mkataba wa nchi tatu wa mwaka 1984.

Ujumbe wa Ureno pamoja na Msumbiji utakwenda Afrika Kusini Jumatano ijayo kwa mazungumzo na Utawala wa Afrika ya Kusini, ambao unashutumiwa kwa kuwaunga mkono magaidi wa MNR ambao wameharibu mtambo huo.

Wakati huo huo Waziri wa Biashara wa Msumbiji Ndugu Aranda Da Silva amesema serikali ya nchi hiyo haitayasaidia makampuni yaliyofili-

sika chini ya mpango wake mpya wa kufufua uchumi wa nchi hiyo.

Waziri huyo aliuambia semina ya wafanya biashara mjini Maputo kwamba chini ya mpango huo, ambao una lengo la kufufua uchumi, ulioathiriwa na ukame pamoja na vita makampuni ya biashara na uongozi lazima yaachane na mambo mengine ya gharama za juu ambayo wafanya biashara wameya...